

佛说除一切疾病 陀罗尼经

唐三藏沙门大广智不空奉 诏译



南無本師釋迦牟尼佛

说 明

本简体校正版《佛说除一切疾病陀罗尼经》电子书，根据《乾隆大藏经》宋元入藏诸大小乘经，第 0978 部，唐三藏沙门大广智不空译《佛说除一切疾病陀罗尼经》原藏影印本校正，句读仅供参考。

本电子书是免费结缘品。特此说明。

仁慧草堂

二〇一九年二月



扫码关注仁慧草堂微信公众号

● 起诵仪

香赞

(一遍)

炉香乍爇. 法界蒙薰. 诸佛海会悉遥闻. 随处结祥云. 诚意方殷. 诸佛现全身.

南無香云盖菩萨摩诃萨 (合掌三称)

净口业真言

(三遍)

唵. 修唎修唎. 摩诃修唎. 修修唎. 萨婆诃.

净三业真言

(三遍)

唵. 娑嚩. 娑嚩秫驮. 娑嚩达摩娑嚩. 娑嚩秫度憾.

安土地真言

(三遍)

南無三满哆. 母驮喃. 唵度噜度噜. 地尾. 娑婆诃.

普供养真言

(三遍)

唵. 誝誝曩. 三婆嚩. 鞞日啰斛.

南無本师释迦牟尼佛 (合掌三称)

开经偈

(一遍)

无上甚深微妙法 百千万劫难遭遇
我今见闻得受持 愿解如来真实义

佛说除一切疾病陀罗尼经¹

唐三藏沙门大广智不空奉 诏译²

如是我闻：

一时，薄伽梵住室罗筏³城。逝多林。给孤长者园，与大苾刍众千二百五十人俱，及众大多⁴菩萨摩訶萨。

尔时，世尊告阿难陀言：“阿难陀，有陀罗尼能除世间一切疾病，汝当受持，读诵通利，如理作意。”

即说密言曰：

“怛你也_{二合}佉^一尾摩黎尾摩黎^二嚩曩俱枳黎^三室唎_{二合}末底_{丁以切四}军拏黎^五嫩奴鼻^六印捺啰_{二合}儼_{二合}顛_{二合}母隶娑嚩_{二合}诃_{引八}”

佛告阿难陀：“此陀罗尼，若诵持者宿食不消、霍⁵乱、风黄痰瘕，患痔痿淋漓⁶、上气嗽疟、寒热、头痛、背⁷痛、著鬼魅者，悉得除差。我

¹ 大正藏：除一切疾病陀罗尼经
² 大正藏：开府仪同三司特进试鸿胪卿肃国公食邑三千户赐紫赠司空溢大鉴正号大广智大兴善寺三藏沙门不空奉 诏译
³ 大正藏：伐；永乐北藏及龙藏：筏
⁴ 大正藏：众多诸大；永乐北藏及龙藏：及众大多
⁵ 大正藏：瘕；永乐北藏及龙藏：霍
⁶ 大正藏：痔痿淋；永乐北藏及龙藏：痔痿淋漓
⁷ 大正藏：半；永乐北藏及龙藏：背

以佛眼观见彼人，诸天、魔、梵、沙门、婆罗门能作障难，除非决定业报尽者，余无能违越作其障难。如来、应供、正遍知说：‘一切有情中如来为尊胜，一切法中离欲法尊，一切众中僧伽为尊。’以此诚实言，愿我及一切有情，食饮吃啖，入腹消化，得正安乐，娑嚩^{二合}_引诃。”

尔时，世尊说是经已，诸苾刍僧并诸菩萨摩訶萨、一切大众、天龙八部，受持佛语，欢喜奉行。

佛说除一切疾病陀罗尼经⁸

⁸ 大正藏：除一切疾病陀罗尼经

● 结诵仪

补阙真言

(三遍)

南無喝啰怛那. 哆罗夜耶. 佉啰佉啰. 俱住俱住. 摩啰摩啰. 虎啰. 吽. 贺贺. 苏怛拿. 吽. 泼抹拿. 娑婆诃.

补阙圆满真言

(三遍)

唵. 呼嚧呼嚧. 社曳穆契. 莎诃.

普回向真言

(三遍)

唵. 娑麼啰. 娑麼啰. 弭麼曩. 萨嚩诃. 摩诃斫迦啰嚩吽.

南無佛 南無法 南無僧 (合掌三称)

南無本师释迦牟尼佛 (合掌三称)

南無护法诸天菩萨 (合掌三称)

礼佛发愿文

(一遍)

归命十方调御师 演扬清净微妙法

三乘四果解脱僧 愿赐慈悲哀摄受

但(某甲)自违真性，枉入迷流。随生死以飘沉，逐色声而贪染。十缠十使，积成有漏之因；六根六尘，妄作无边之罪。迷沦苦海，深溺邪途。著我耽人，举枉措直。累生业障，一切愆尤。仰三宝以慈悲，沥一心而忏悔。

所愿能仁拯拔，善友提携。出烦恼之深源，到菩提之彼岸。此世福基命位，各愿昌隆；来生智种灵苗，同希增秀。生逢中国，长遇明师。正信出家，童真入道。六根通利，三业纯和。不染世缘，常修梵行。执持禁戒，尘业不侵。严护威仪，蝇飞无损。不逢八难，不缺四缘。般若智以现前，菩提心而不退。修习正法，了悟大乘。开六度之行门，越三祇之劫海。建法幢于处处，破疑网于重重。降伏众魔，绍隆三宝。承事十方诸佛，无有疲劳。修学一切法门，悉皆通达。广作福慧，普利尘沙。得六种之神通，圆一生之佛果。然后不舍法界，遍入尘劳。等观音之慈心，行普

贤之愿海。他方此界，逐类随形。应现色身，演扬妙法。泥犁苦趣，饿鬼道中，或放大光明，或现诸神变，其有见我相，乃至闻我名，皆发菩提心，永出轮回苦。火镬冰河之地，变作香林；饮铜食铁之徒，化生净土。披毛戴角，负债含怨，尽罢辛酸，咸沾利乐。疾疫世而现为药草，救疗沉痾；饥馑时而化作稻粱，济诸贫馁。但有利益，无不兴崇。次期累世冤亲，现存眷属，出四生之汨没，舍万劫之爱缠。等与含生，齐成佛道。虚空有尽，我愿无穷。情与无情，同圆种智。

回向偈

(一遍)

愿以此功德	庄严佛净土
上报四重恩	下济三途苦
若有见闻者	悉发菩提心
尽此一报身	同生极乐国

三皈依

(一遍)

自皈依佛，当愿众生，体解大道，发无上心；
自皈依法，当愿众生，深入经藏，智慧如海；自
皈依僧，当愿众生，统理大众，一切无碍。和南
圣众。



此咒置经书中可灭误跨之罪

南无护法韦驮尊天菩萨

